

欽定大清會典事例

卷三百二十五

禮部
婚禮

欽定大清會典事例卷三百二十四

禮部

婚禮

婚

大婚

皇曾孫成婚

皇子成婚

皇元

孫成婚

大婚。凡納采之禮。內務府官備文馬十。

鞦韆具。

甲冑

十。幣百。布二百。是日早。禮部鴻臚寺官設

節案一於

太和殿內正中。內閣官自閣奉

節陳於案。內務府官以龍亭分載甲冑布帛。陳於丹

陛上左右。陳文馬於丹陛下左右。正副使祇俟

於丹墀東。鴻臚寺序班二員立正副使後。授

節大學士一人朝服立

殿東檐下。鴻臚寺官一員立大學士後。豫備宣

制。朝服西面。鳴贊官二員朝服分立

殿東西檐下。屆時。鳴贊官贊齊班。序班引正副使

就丹墀東班立。贊進。贊跪叩興。行三跪九叩禮。

序班引正副使升東階。立丹陛上。鳴贊官贊有

制。正副使跪宣。

制官進至

殿東門之左。西面宣

制曰。

皇帝欽奉

皇太后懿旨。納某氏某女為后。命卿等持節行禮納采。

宣畢。大學士進

殿左門。詣案奉

節由中門出。授正使。正使受

節偕副使興前行。降自中階之左。內務府官率校尉
昇亭。自中階下。衛士牽文馬隨行。

御仗前導。由

太和中門出。詣

皇后邸第。是日。后父飭子弟潔埽邸第。有司豫設案

一於廳事正中南嚮。又設案二於左右東西嚮。
正副使持

節至邸。后父朝服跪迎於大門外道右。候過隨入。正
副使入中門升中階。正使陳

節中案。偕副使退就案東西面立。龍亭至儀門外止。
內務府官奉甲冑布帛入。陳於左右案。衛士以
馬入。陳於中階下左右訖。后父升自西階。於廳
事中門外正中北面跪。正使傳

制納采。后父跪受。行三跪九叩禮興。正使詣案奉
節出。偕副使復

命后父跪送於大門外如初。內務府官皆退。是日

皇后邸設納采燕。

皇帝特命公主大臣命婦燕后母於內。

命內大臣侍衛八旗公侯以下滿漢二品以上官。燕后父於外。如常燕儀。○大徵之禮。所司備黃金二百兩。銀萬兩。金茶器一。銀茶器二。銀盆二。幣千。文馬二十。鞞轡具閒馬二十。馱甲二十。備

賜后父后母。黃金百兩。金茶器一。銀五千兩。銀茶器

一。銀盆一。帛五百。布千。馬六。鞞轡具甲冑一。弓一。

韞矢一。箭。朝服各二襲。衣各二稱。皆冬一。夏一。

貂裘各一。帶一。備。

賜后兄弟。及從人服物有差。屆日。陳大徵禮物於丹
陛上。陳

賜物馱馬於丹陛下。禮部奏請

命使傳

制授

節於

太和殿。如納采儀。正副使承

制持

節詣

皇后邸。執事官陳禮物於堂。陳

賜物於階上。陳馱馬於中階下之南。后父跪受行禮。均如納采儀。傳

制。訖。后父率子弟於中階下之東嚮。

節行三跪九叩禮。豫往大門外祇俟。后母率諸婦出。於中階下之西嚮。

節行六肅三跪三拜禮畢。退。正使持

節出。偕副使復

命。后父以下跪送如初。執事官皆退。

大婚前一日。遣官各一人祇告。

天

地

太廟後殿

奉先殿如常儀。屆吉行

冊迎禮。是日早。陳

皇帝法駕鹵簿樂懸於

太和殿外。陳

皇太后儀駕樂懸於

慈寧宮。禮部鴻臚寺官設

節案

冊

寶案於

太和殿內。設龍亭於內閣門外。鑾儀衛陳

皇后儀駕於

太和門階下。及

午門外。內務府官陳冠服於鳳輿之南。內閣禮部

官自閣奉金

冊金

寶。及宣讀

冊文

寶文分設龍亭內。校尉舁行。至

太和殿中階下。亭止。禮部堂官奉

節詣

太和殿。陳

節中案。陳

冊左案。陳

寶右案。正副使序立於丹墀東鹵簿之南。授

節大學士。宣

制鴻臚寺官。舉

冊

寶案內閣禮部官。均朝服序立於

殿檐下。如

冊立

皇后遣使之儀。欽天監官報吉時。屈禮部堂官奏請
皇帝具禮服乘輿出宮。禮部堂官前引出。

隆宗門至

永康左門降輿入。至

慈寧宮門左西嚮立。內監轉奏

皇太后升慈寧宮寶座。禮部堂官引

皇帝就正中拜位。行三跪九叩禮畢。

皇太后還宮。

皇帝自

永康左門乘輿。仍入

隆宗門。由

保和殿

御太和殿。

午門鳴鐘鼓。作樂鳴鞭。序班引正副使就丹墀東
行禮畢。升東階北面跪宣

制官宣

制辭曰。

皇帝欽奉

皇太后懿旨。納某氏為皇后。茲當吉月令辰。備物典冊。

命卿等以禮奉迎。宣畢。大學士授

節於正使。偕副使興。執事官舉

冊

寶案由中階下設龍亭內。以次出

太和門。

皇帝還宮。鳴鞭作樂。並如

冊立

皇后遣使之儀。龍亭由

太和中門出。正副使持

節前導。次

冊

寶亭。次

皇后儀駕冠服。內大臣侍衛隨亭後行。由

大清門各中門。至

皇后邸。是日。宮殿監督領侍率內監備

交泰殿內外鋪陳。恭侍命婦朝服。豫詣

殿外祇候。導從命婦贊引侍儀宣讀女官均朝服

及給事后邸內監均綵服。詣

皇后邸祇俟。有司豫設

冊
節案一於邸第之內堂正中。前設香案。均南嚮。又設

寶案二於左右。東西嚮。設

皇后拜位於香案之南。侍儀女官四人立拜位左右。
東西面。宣讀女官二人立東案之南。西面。內監
於外堂階下承應。正副使至

皇后邸。后父率子弟朝服跪迎於大門外。候過隨入。
正副使升中階。立於外堂之東西面。

冊

寶亭隨入。暫設於外堂左右。內務府官奉冠服授內監齋入。轉授女官以進。

皇后。內鑾儀校陳鳳輿於階上正中。陳儀駕於階下左右。至大門內。樂部和聲署設導迎樂於大門左右。后父由西階升。至外堂中門外正中。北面跪。正使傳。

制。后父行三跪九叩禮畢。退。正使授節於內監。副使自龍亭奉

冊

寶以授內監。由中門入。